

之事其勢未嘗不如此者也於張知翕於強知弱於興知廢於與知奪非知機者孰能與於此哉故曰是謂微明然則能翕張弱強廢興奪與之者無形而柔弱者也爲其所翕張弱強廢興奪與之者有形而剛强者也則柔弱之勝剛強明矣人之不可以離柔弱猶魚之不可以脫於淵魚脫於淵則獲人離於柔弱則死之徒而已矣天下之至柔馳騁天下之至堅而入於無間非器之最利者乎操利器以馭天下國家則其所以圖回運動當在於無形之際安可使知其所由來哉故曰國之利器不可以示人

柔弱勝剛強正爲無爲之常道故次之以道常無爲

道藏輯要

太上道德寶章翼

卷三

心集三

爲政章第三十七

道常無爲用之不可既而無不爲何所施侯王若能守心生萬物將自化萬化自然而欲作一念欲起吾將鎮之以無名之樸盡知眞一處人亦道德我行道德無名之樸○亦將不欲道常無爲不欲以靜而無爲天下將自正身心一如爲無爲則無不治

沈蛟門曰道常無爲者其本體也而無不爲者其妙用也寂然不動感而遂通天下之故惟無物然後能物物故貴無爲也王侯無爲而萬物將自化惟無爲之不能耳胡患不化哉顧自混沌鑿而多肆生情竇漸開繁華日增固欲有所作爲矣聖人於是提防之鑽以無名之樸凡一切有爲之法如可

爲可貴可欲可制之名皆卻而不敢爲修玄默以鎮之久則無知者無欲有知者亦不敢爲而妄作之心自靜矣夫無名之樸亦難言矣聖人內忘抱樸之念外化抱樸之迹夫是之謂真無欲夫是之謂真靜故天下各正其性命之常上無爲而下亦無爲此所謂無爲而無不爲之常道

道藏輯要

太上道德寶章翼一

書

心集三